

Ko nga tangata e ono e mau ake nei nga ingoa i raro he tangata i kowhiria e nga tangata nona te whenua i roto i a ratou hei mema mo te Komiti Hapu mo tenei Poraka, a i whakaaetia ano hoki e nga tangata katoa o taua whenua i tae mai ki te aroaro o tenei Komihana i te nohoanga ki Whakatane i te 8 o nga ra o Maehe, 1907.

1. Numia Ruakariata.
2. Te Pouwhare te Roau.
3. Akuhata te Kaha.

4. Te Wakaunua Houpepe.
5. Hohia te Ahikaiata.
6. Tiopira Tamaikoha.

GILBERT MAIR (Tawa).
D. F. G. BARCLAY (Pakere).
PARATENE NGATA.

RUATOKI TONGA PORAKA.

Piira Nama 54.—Ko tenei piira na Mika te Tawhao me etahi atu, he whakauru i etahi tangata e toru tekau ma wha, e kii ana he tangata paanga tika i mahue ki waho o te ota i te wa o te Komihana tuatahi.

Kaore i whakahengia tenei kereme whakauru, a e mau nei aua ingoa e toru tekau ma wha i roto i te rarangi apiti kua tapiritia atu ki te whairu o nga pukapuka o Ruatoki Tonga Poraka, timata atu i te Nama 281 tae noa ki te 314, me nga hea e whakaatu ana i roto.

E penei ana ta matou tohutohu atu, me whakauru atu aua tangata e toru tekau ma wha, me o ratou hea e mau na i taua rarangi, ki te ota mo tenei whenua.

Piira Nama 52.—A Waaka Paraone te Ranui me etahi atu, he whakauru i etahi ingoa tangata hou e wha ki te ota.

Kaore he whakahe i ara mai mo te whakauruhanga o enei tangata e wha ki te ota, e mau nei o ratou ingoa kei te rarangi kua tapiritia atu ki te whairu—timata i te Nama 315 tae noa ki te 318—me o ratou hea e whakaatu ake ana i roto.

A e tohutohu atu ana matou me whakauru atu aua ingoa e wha ki te ota.

Piira Nama 57.—A Mehaka Tokopounamu me etahi atu, he whakauru i etahi ingoa tangata hou ki te ota.

A i runga i nga whakariterite i waenganui i nga tangata o te whenua me nga kai-piira, i mahia i waho, a i muri nei ka homai e ratou ki te aroaro o tenei Komihana, e rua tekau ma wha nga tangata, o roto i te rarangi whakauru i homai e nga kai-piira, i whakaaetia e nga tangata nona te whenua kia whakauruhia; ko Numia Kereru me etahi atu, mo te taha ki nga tangata nona te whenua, i whakahe ki te nuinga atu o nga ingoa tangata i te rarangi whakauru a Mehaka i homai ai; a whakaae ana a Mehaka me whakarere atu tana kereme whakauru mo aua tangata i tana rarangi, me kati tonu i nga ingoa e rua tekau ma wha anake i whakaaetia nei kia uru e nga tangata nona te whenua. No reira kua apititia atu aua ingoa e rua tekau ma wha e tenei Komihana ki te rarangi apiti kua tapirihia atu ki te whairu, timata atu i te Nama 319, tae noa ki te Nama 342.

A ki ta matou whakaaro me whakapumau enei ingoa me o ratou hea e mau na i taua rarangi apiti kia uru atu ki te ota mo Ruatoki Tonga Poraka.

Piira Nama 53 me 55.—A Utiera Tuau me etahi atu; me

Piira Nama 56.—A Te Whenuanui me etahi atu. Ko enei piira e toru i unuhia i te aroaro o tenei Komihana e nga tangata e pa ana ki aua tono; a i te mea hoki kaore he whakahe, koia matou ka tohutohu penei atu na ko aua piira e toru me whakakore atu.

Ko nga tangata e ono e mau ake nei nga ingoa i raro he tangata i kowhiria e nga tangata nona te whenua i roto i a ratou hei mema mo te Komiti Hapu mo tenei poraka, a i whakaaetia ano hoki e nga tangata katoa o taua whenua i tae mai ki te aroaro o tenei Komihana i te nohoanga ki Whakatane i te 8 o nga ra o Maehe, 1907.

1. Numia te Ruakariata.
2. Mika te Tawhao.
3. Taihakoia Poniwahio.

4. Wharetuna Heremia.
5. Tupara Kaaho.
6. Te Wharepouri te Amo.

GILBERT MAIR (Tawa).
D. F. G. BARCLAY (Pakere).
PARATENE NGATA.

WAIKAREWHENUA PORAKA.

Piira Nama 60.—A Waaka Paraone te Ranui me etahi atu; he whakauru i te ingoa kotahi o Waaka Paraone te Ranui ki te ota, kia rua nga hea mona.

A i te mea kua whakaae a Turei Tiakiwai—Nama 30 i roto i te ota—i te aroaro o tenei Komihana, me tango atu kia rua nga hea o roto o tona ake paanga e rua tekau nei nga hea i roto i te ota, me hoatu ma Waaka Paraone te Ranui, a i te mea hoki kua whakaae nga taha katoa ki tena tikanga; no reira ki ta matou whakaaro me whakatikatika te ota hei whakapumau i tenei whakaotinga.

Piira Nama 58.—A Taihakoia Poniwahio; he whakatikatika i nga ingoa e rua nei, ara, o Wairiki te Tokatapu, Nama 117, me Kerehitini te Tokatapu, Nama 118, i roto i te ota, kia takoto hangai ai, penei na, "Wairiki Pani," me "Kerehitini Pani," i te mea na Pani ke aua tamariki, e hara i a Te Tokatapu.